

敬齋堂經解

三

欽定四庫全書
欽定四庫全書
欽定四庫全書
欽定四庫全書
欽定四庫全書

中季年咸三

一季年咸三

周
祀
故
書
經
證

北京古學院藏板

周禮故書疏證卷一

敬躋堂經解

臨海宋世榮學

天官冢宰

大宰三日官聯

〔註〕古書連作聯

爾雅釋詁古故也賈疏言故書者鄭註周禮時有數本劉向未校之前或在山巖石室有古文考校後爲今文古文不同鄭據今文注故云故書○鄭謂聯讀爲連說文耳部聯連也五經文字耳部聯古連字

二曰嬪貢

〔註〕嬪故書作賓

釋名釋親屬嬪賓也

小宰四曰聽稱責以傳別

〔註〕傳別故書作傳辨

篇首辨方正位註辨別也秋官朝士有判書以治註

故書判爲辨辨讀爲別史記樂書其治辨者其禮

徐廣曰辨一作別

六曰廉辨

〔註〕杜子春云廉辨或爲廉端

世犖案古辨字通作平端有平義亦音之轉

七事者

〔註〕七事故書爲小事

杜子春云當爲七事書亦爲七事

庖人賓客之禽獻

〔註〕獻古文爲獸

杜子春云當爲獻世犖案獻獸形近經典多用禽獸
字罕見禽獻者故傳寫或譌

甸師祭祀共蕭茅

〔註〕鄭大夫云蕭字或爲蒿

先鄭謂蒿讀爲縮引齊桓公無以縮酒杜子春讀爲
蕭詩伐木傳滑蒿之也釋文蒿與左傳縮酒同說文

艸部舊字引春秋傳無以舊酒今左僖四年傳作無以縮酒詩七月九月肅霜傳肅縮也論語季氏而在蕭牆之內也鄭注蕭之言肅也世榮案蕭縮亦音之轉

酒正共其計酒正奉之 註故書酒正無酒字

凌人正歲 註故書正爲政

小宰聽政役以此居註政或作正地官族師各掌其族之戒令政事月吉註杜子春云當爲正月吉夏官都司馬以國灋掌其政學陸德明本作正學小戴記深衣以直其政註政或爲正論語政者正也荀子非相篇正令是也註正或爲政詩節南山不自爲政小戴記緇衣引作不自爲正書舜典以齊七政史記律

書作七正又湯誓而割正夏史記殷本紀作割政小戴記月令班馬政呂覽仲夏紀作班馬正史記始皇紀名政徐廣曰政一作正

籩人粉資

〔註〕故書資作茨

資茨俱从次聲詩甫田如茨如梁傳茨積也釋名釋飲食資漬也義亦得通

醢人雁醢

〔註〕故書雁或爲鶉

庖人六禽雁鶉居首故傳寫或混

掌舍設

桎杙再重

〔註〕故書杙爲杙

司會參互修閭氏互櫟註並云故書互爲巨文選藉田賦掌舍設杙註引周禮設桎杙再重杜子春讀爲桎杙是李善猶據故書本矣

爲壇墮宮棘門

〔註〕棘門或爲材門

詩斯干如矢斯棘韓詩棘作柶聲類柶古材字

玉府則共珠槃玉敦

〔註〕故書珠爲夷

世榮

案篆文朱夷形近禮經多用夷槃字故傳寫或

譌又易雜卦明夷誅也夷朱亦音之轉

外府共其財用之幣齋

〔註〕齋或爲資

司農謂今禮家定齋作資後鄭謂齋資同耳其字以

齊次爲聲從貝變易古字亦多或又典婦功女功之

事齋典臬以待時頒功而授齋〔註〕並云故書齋爲資

掌皮則會其財齋〔註〕鄭司農云齋或爲資春官巾車

入齋于職幣〔註〕杜子春云齋讀爲資儀禮聘禮問幾

月之資〔註〕古文資作齋少牢饋食資黍稷于羊俎兩

端註今文資作齋漢書霍去病傳爲遣大官齋數十
乘師古曰齋與資同

司以參互考日成註故書互爲巨

秋官修閭氏互櫟註故書互爲巨

司受其幣註故書受爲授

鄭司農云授當爲受典婦功凡授嬪婦功註授當爲
受聲之誤也地官大司徒使之相受掌葛以權度受
之註並云故書受爲授春官司儀授幣註授當爲受
儀禮特牲饋食主婦拜受爵註今文授爲受又大射
儀坐授瑟唐石經作坐受瑟小戴記月令授車以級
呂覽季秋紀作輿受車以級

職而奠其錄註故書錄爲祿

孝經援神契祿者錄也詩小戎傳歷錄釋文一本作
歷祿荀子大略注引新序以綠圖為錄圖御覽引韓
非作祿圖淮南子主術訓捷疾劬錄泰族訓作劬祿
司則共熊侯豹侯註故書則共熊侯虎侯

杜子春云虎當為豹山海經西山經南山多猛豹註
豹或為虎世犛案唐人諱虎字多改作豹此杜子春說當為豹非避唐諱也

廡裘註故書廡為淫

鄭司農云淫裘陳裘也說文广部廡陳輿服于庭也
春官司服廡衣服大師廡作匱謚夏官司兵廡五兵
故書廡並作淫考工記匠人善防者水淫之註淫讀
為廡

掌皮則會其材齋註齋或為資

見外府共其財用之幣齎條

內宰以作二事

註故書二爲三

考工記梓人觚三升韓詩說二升曰觚小戴記郊特牲尊賢不過二代註二或爲三

出其度量淳制

註故書淳爲敦

杜子春讀敦爲純地官質人壹其淳制註杜子春云淳當爲純惠徵君棟古義引管子作綽制檢管子君臣註綽古准字世榮案准乃準字之俗荀子君道以準槩爲敦槩亦其證也

九嬪贊玉璫

註故書玉爲王

說文玉字偏旁不加點李陽冰曰王中畫近上王者則天之義王三畫正均如貫玉也漢書藝文志論語

齊二十二篇多問王知道今檢逸論語見於說文初
學記太平御覽等書皆詮王之說王伯厚以爲疑卽
問玉又荀子王霸篇改王改行也註引國語改玉改
行呂覽首時亦不忘王門之辱世準案卽玉門字春
秋左成二年傳齊侯朝於晉將授玉漢張衡以爲尊
晉侯爲王亦字誤也

典婦功

及內人女功之事齋

註故書齋爲資

見外府共其財用之幣齋條

典

以待時頒功而授齋

註故書齋作資

見外府共其財用之幣齋條

縫人

喪縫棺飾焉

註故書焉爲馬

大戴記王言雖有國焉家語王言解作雖有國之良

馬春秋左襄二十八年傳慶氏之馬善驚昭四年傳恃險與馬二十年傳不腆先人之產馬唐石經馬並作焉

衣斐柳之材

〔註〕故書斐柳作接櫝

鄭司農云接讀爲盪櫝讀爲柳引檀弓曰周人牆置斐春秋傳曰四盪不蹕今左襄二十五傳作四斐不蹕又春官喪祝註周人之葬牆置盪釋文盪本亦作斐漢祝睦碑斐斐以席隸釋斐與斐同詩關雎傳苕接余也釋文本作斐荼荀子禮論皆有斐斐文章之等註斐斐當爲萋萋小戴記檀弓設萋萋註周禮萋作柳此故書作櫝蓋古時字

人染夏纁玄

〔註〕故書纁作纁

玉篇黑字黻字作𠄎與說文黻字同義與纁無涉
古書形近而譌

以乘車建綏註故書綏爲纁

儀禮士虞禮不綏祭註綏當爲墮廣雅釋詁遺墮儀
禮士喪禮註綏之言遺也世榮案纁卽綏字

周禮故書疏證卷一終

周禮故書疏證卷二

敬躋堂經解

臨海宋世榮學

地官司徒

序
官廛人

〔註〕故書廛爲壇

載師以廛里任國中之地〔註〕故書廛或爲壇管子五
輔篇利壇宅荀子作定廛宅

泉府

〔註〕故書泉或作錢

小戴記檀弓〔註〕古者謂錢爲泉國語周語景王將鑄
大錢〔註〕古曰泉後轉爲錢天官外府〔註〕引作鑄大泉
史記天官書下有積錢徐廣曰錢古作泉字

饔人

〔註〕故書饔作饔

下敘次正作饔人說文食部饔或从熙作饔或从米